

Mokreste le Mosebetsi



SABATHA THAPAMA

Bakeng sa Thuto ea Beke ena Bala:

Gen. 3:19, Deutr. 16:15, Exoda. 25:10–30:38, Baga.5:22–26, Moeklesia 9:10, 1 Bakor.10:31.

Temana ea Khopolo:

“Ka baka leo, bana beso ba ratoang, tieang matla, le seke la sisinyeha, ’me le ’ne le eketse kamehla ho sebeletsa Morena, le ntse le tseba hobane, mosebetsi oa lona e keke ea e-ba oa lefela Moreneng” (1 Bakorinthe 15:58).

Mosebetsi ke leano la Molimo. Lefatšeng le hloekileng pele ho sebe, mosebetsi oa ho hlokomela serapa (Gen. 2:15). Joaloka ’Mopi oa bona, eo ba entsoeng ka setšoantšo sa hae, ba ne ba lokela ho fuoa mosebetsi o hlokanang boqapi le bosebeletsi ba lerato. Ke hore, le lefatšeng le sa oelang, lefatše le senang sebe, mathata, le lefu, motho o ne a sebetsa.

Nako ena “e lipakeng” (kamora lefatše le letle le leo re le tšepisitsoeng), re memeloa ho bona mosebetsi e le e ’ngoe ea litlhohonolofatso tsa Molimo. Bajudeng, ngoana e mong le e mong o ne a rutoa mosebetsi. Ha e le hantle, ho ne hothoe ntate ea sa ruteng ngoana hae mosebetsi o tla holisa sekebekoa. Ka hona, Jesu, Mora oa Molimo, O qetile lilemo-lemo a etsa thato ea ntata’e ka bošepahi e le ’metli ea hloahloa, mohlomong a rekisetsa batho ba Nazaretha thepa ea ka tlung le lisebelisoa tsa masimong (Mareka 6:3). Sena le sona, e n’e le karolo ea koetliso e mo lokisetsang bosebeletsi bo ka pela hae. Moapostola Paulosi o ne a etsa mosebetsi oa Morena ha a sebetsa le Akila le Prisilla selemo le halofo a etsa litente ha a etsa khang synagogeng ka Sabatha (Liketso 18:1–4, 2 Bathess.3:8–12). Bekeng ena re tla shebana le taba ena ea mosebetsi le karolo ea oona thutong ea Bokreste.

**Ithute Thuto ea Beke ena ho lokisetsa Sabatha sa, 22 Tsitoe.*

Mahlakore a Mangata a Mosebetsi

“Ka hoo, ke lemohile hore haho letho le ka bang molemo ho bona, ha e se ho itumela le ho itumela le ho iketsetsa boiketlo ka tšiu tsa bophelo ba bona. Ke lemohile hape hore e re ha motho a e-ja lijo kapa a e-noa, le ho latsoa boiketlo ka mokhatala oohle oa hae, le teng e sa le neo ea Molimo” (Moeklesia 3:12, 13).

“Mosebetsi”—ke lentsoe la batho ba khale ba li Anglo-Saxon le se nang mekhabiso. Le senoko se seng feela Senyesemaneng, empa hona le khonahalo ea hore le ka ba le meeelo e mengata. Re sebetsa ka baka la ho tlameha ho beha lijo tafoleng, ho lefa mekoloto, le ho boloka bonyanenyana bakeng sa nako tse thata. Hangata ho lahlehelo ke mosebetsi ho hobe ho feta ho sebetsa maamong a bosula. Mosebetsi o ka fa motho ho ikutloa a le motlotlo. Mosebetsi ke tsela e tloaelehileng ea ho araba potso, “u etsa ’ng?” Boholo ba batho ba pencheneng bo tsoela pele ho etsa mesebetsi ea nakoana-ha feela ba ntse ba e na le matla, ba lefshoa kapa e le baithaopi. Mosebetsi o fana ka lebaka la ho tsoha hoseng ho hong le ho hong. Efa lethineja mosebetsi, o fokotsa palo ea likebekoa.

Bala Genese 3:19. Boemo moo ke bo fe, ’me e reng ho rona ka lehlakore le leng la mosebetsi, bonyane ho ba bang?

Re sa lebeletse, mosebetsi o fanoeng pele ho hooa oa fetoha kamora ho oa. Mona re bona lehlakore le leng la mosebetsi. Ho ba bang, mosebetsi o bolela feela ntho’e boima e borang, e tla qetella ka lefu. Ba sebetsa mesebetsing eo ba sa e rateng, ba tšepa hore ba tla ea pencheneng ba sa ntsane ba phetse hantle. Ho ba bang, mosebetsi o ka ba oa nka bophelo ba motho, e ba khubu ea ho phela hoa hae, le tsohle tseo eleng mohloli oa tsohle tse etsang motho a ikutloe e le motho. Ha ba se mosebetsing, batho bana ba ikutloa ba e na le khatello ea maikutlo kapa ba sa ikutloe hantle, ba sa tseba na ba ka etsang kapa ba ea kae. Ha ba le pencheneng, ba ka theoha ’meleng le kelellong, ’me hangata ba shoa pele ho nako. Bakreste ba lokela ho tseba ho sebetsa ka mokhoa oa Molimo. Mosebetsi ha se feela ntho’e tlišang chelete. Motho ke ntho’e fetang mohiruoa. Ha o utloisisoa hantle, mosebetsi oa hau ke sethala sa boevangeli, ho bonahatsa likamano tsa hau le Morena. Karolo ea mosebetsi oa tichere ke ho thusa barutoana ho fumana mosebetsi oo litsebo tsa bona le lithahasello tseo ba li fuoeng ke Molimo li kopanang le lefatše.

U etsa ’ng? Ke hore, u etsa ’ng ka bophelo ba hau, u ka tlotlisa Molimo ka eona betere joang?

Mosebetsi le Ho ōtla

Koetlisetso ea mosebetsi e shebana le “se etsahalang” bophelong. Le ho etsang mesebetsi eo ho jeoang masapo a hlooho, ba qetella ho e na le moo ba iphumanang ba tlameha ho sebelisa lipotongoane, le haeba e le ho tobetsa likonopo tsa komputara.

Ke sefe seo litemana tse latelang li re rutang sona mabapi le ho sebetsa ka “matsoho” e le letšoao?

Deut. 16:15

Moeklesia 9:10

Lipro. 21:25

Jer. 1:16

Molimo O re file “mosebetsi oa matsoho a rona” hore re fumane thabo le khotsofalo (sheba Lipro. 10:4, 12:14). Thutong ea kelello, “ho ba hloahloa ha motho” ho hlalosa tumelo ea hore motho e mong le e mong o na le bokhoni ba ho fihlela ntho’e bonahalang bophelong. Ho ba hloahloa ha ho holisoa ka o pheta, “Ke nahana nka etsa! Ke nahana nka etsa!” Ke ho etsa ntho feela ho holisang bokhoni ba ho ba hloahloa ha hau.

Ha “mosebetsi oa matsoho a rona” e le tlhonomolofatso e tsoang ho Molimo (sheba Lipro. 90:17) ’me e re lumella ho phela bophelo bo lokelang, leano la Molimo la mapomela ke ho re “mosebetsi oa matsoho a rona” o hlohonolofatse ba bang. Paulosi o re re tlameha ho sebetsa, re etse ntho’e bohlokoa ka matsoho a rona, ele hore re be le eo re ka se arolelang ba bang. Ruri Paulosi o phetse ka tšiea eo:

“Me lea tseba e le lona hore matsohoana a sebelitse se neng se hlokoa ke ’na le ke bao ke neng ke na le bona. Ke bontšitse nthong tsohle hore ke ka ho sebetsa joalo ho tšoanetsong ho thusoa bafokoli le ho elelloa taba ea Morena Jesu eo A le boleletseng ka sebele sa hae, ha a re: ho nea ke leseho le fetisisang la ho fuoa.” (Liketso 20:34, 35). Thapelo ea Nehemia e bonolo e tlameha ho ba ea rona: “Oho joale, Molimo oa ka O ke O matlafatse matsoho a ka” (Neh. 6:9).

U nka mosebetsi oa hau joang? Ke ka tsela life u ka sebelisang mosebetsi oa hao ho ba tlhonomolofatso ho ba bang?

Mosebetsi le Ho Ipabola

Qekotsa Exoda 25:10–30:38. Molimo O ne A hlakile hakae h’ a laela Moshe ho etsa taberanakele ea khumamelo? See se re bolellang ka semelo sa Molimo?

Ha Molimo A bolella Moshe hore a “a mo hahele” tente, Moshe a ka be a ile a re, “ha ho bothata, Morena! Esale ke etsa litente ho tloha mohla ke balehang Egepeta lemo tse 40 tse fetileng. . . . Ema hanyane feela!” Ho ba bangata ba phelang sechabeng se lutseng se tsamaea sa meetlo ea Midiane nakong eo, tente e n’ e le ntho’ e bonolo. A ka be a ile a etsa a tutubetse, e itlela feela tjena, kelello ea hae e nahana ntho tse ling tse bohlokoa ho feta tente. Seo Moshe a neng a sa se lebella e n’ e le lethathamohali la litaelo tsa hore na tente e be joang (e neng e ka be e bile bonolo feela) le lethathamohali le leng la hore na “e etsoe joang” malebana le feneshara e tlabana ka hara tente, le liaparo tsa baprista—lintlha tse ka bang 150 tsa litaelo. Ho etsa tafolana feela, Moshe o ile a tlameha ho latela likhato tse 7 tsa ho kopanya tafolana (Exoda. 25:23–30).

Kamoo Molimo A bontšitseng a tsotella litaelo kateng khahong ea tente ea hae (hape le hamorao ha ho etsoa mahlabele) ho bontša moea o teng oa boipabolo, taba-tabelo ea ho entsa ntho’ e tsoileng matsoho. Thepa e sebelisitsoeng e ne le ea boleng bo holimo-limo, moralo o ne o sena sekoli, mosebetsi o ne o tlameha ho ba o babatsehlang—molaetsa o ne o hlakile: “Ho Molimo mosebetsi oa moshagane ha o amohelhe!”

Leha ho le joalo, leha maemo ana a ne a bonahala a le holimo-limo, Molimo h’ a ka a fana ka mochofane oa ho etsa feela, o bile a fana ka fana ka lisebelisoa tsa batho hore o etsoe. Bala ho Exoda 31:1–6, 35:30–36:1 Molimo ka bo eena o file batho litsebo tse hlokehlang. Batho bana ba ne ba “tletse moea,” o ba fang bokhoni le tsebo ea botsebi bohle ba ho qapa, hore khao ea taberanakele le feshara ea eona e tsoele pele joalokaha “Jehova a laetse” (Exoda. 36:1). Ho feta mona, tsona litsibi tsena tse kholo tsa liqapi, li ne li boetse li fuoe “bokhoni ba ho ruta” (Exoda. 35:34) hore litsebo tsa bona li tlale sechabeng sohle sa Iseraele. Leha batho bana ba babeli ba qolloa e le baetapele ba khethiloeng ke Molimo, batho ba bang le bona ba ile ba fuoa neo tse tsoanang ’ me ba kenella sehlopheng se etsang mosebetsi. (Exoda. 36:2). Ka hona, ho ba motho ea oeleng, oa moetsalibe, ha se lebaka le lekaneng la ho itekketlisa mosebetsing ofe kapa ofe. Molimo O lebeletseb hore re lule re ipabola, re sebelisa litalenta, litsebo, nako le thuto ea rona hantle bakeng sa mosebetsi o moholo.

Mosebetsi le Semoea

“Ekare ha re phela ka Moea, a re keng re tsamae ka Moea” (Baga.5:25). Mosebetsi le semoea sa motho ha li arohane. Bokreste ha se seaparo seo motho a se aparang kapa a se hlobolang nakong eo maikutlo a fetohang kapa a feta maemong a fapaneng a bophelo. Empa, Bokreste bo bopa sebupuoa se secha se iponahatsang maemong ohle a bophelo, le mosebetsing.

Bala Bagalata 5:22–26. Ke neo li fe tseo Paulosi a buoang ka tsona tse u hlahosang le mosebetsi oa hau?

Sehlahosi sa mantsoe sa The Expository Dictionary of New Testament Words se hlahosa motho oa “semoea” e le ea “ea bontšang tholoana tsa Moea ka tsela tsa hae.” Tabeng ena, re ka etsa qeto ea hore ka khokahano eo re nang le eona le Kreste, re le batho, re tla sebetsa re le balummeli likarolog tsohle tsa maphelo a rona. Mokuli o ne a timela sepetleng sa Florida, motsoalle oa hae oa hlooho ea khomo o ne a letile thojane pela bethe ea hae. Line se tsa tsoa tsa kena ka phapusing, li tusa mokuli tlhokong tsa hae. Ka ho le ka ho etsa moqoqo, motsoalle a botsa manese hore na a fumane koetliso ea bonese kae. Bongata bo ne bo itse bo koetliselitsoe Florida Hospital College.

Sena se ile sa siea letšoao le leholo ho motsoalle. O ile a etela Florida Hospital College ka makhetlo a ’maloa ho bona hore na e joang. Hobaneng? Hobane o ile a bolella batho hore manese a neng a koetliselitsoe mona a ne a thusa motsoalle oa hae ea mathuleng a lefu ho feta tse neng li re li koetliselitsoe kae kae. Ke hore, o ile a khona ho bona phapang e kholo pakeng tsa bona le ba bang malebana le tšoaro ea bona ho mokoli. Ka hona, o ile a botsa lipotso tse ngata ka kholeche le thomo ea eona, ’me qetellong o ile a siea mpho ea \$100,000 hore ho rutoe line se ling tse ngata tse tšoanang le tseo a li boneng mosebetsing. E, semoea ke tsela ea ho phela.

U bontša semoea sa hau joang mosebetsing oa letsatsi le letsatsi? U nahana u etsa letšoao lefe (hobane ehlile u tla siea letšoao le itseng)?

Mosebetsi le Boqhooku

“Tsohle tse fihleloang ke letsoho la hau hore li ka sebetsoa, u li etse ka matla a hau” (Moeklesia 9:10). Batho ba bohlole-hlale ba sebelisa keletso ena malebana le boqhooku likarolong tsohle tsa maphelo a bona. Ha ba koaptjoa ho re qa! Qa! Ka boqhooku ba Bokreste, ba bangata ba koalla kelello tsa bona tabeng tsa lichelete feela. Leha chelete e le karolo ea bohlokoahali ea boqhooku, ho bo fellisetsa cheleteng feela ke ho bo bothetsa. Ho theory ea tsamaiso ea likhampani boqhooku bo nkoa e le boikarabello ba bookameli ba ho holisa le ho sebelisa lisebelisoa tsohle tse teng hantle. Ka kerekeng, lisebelisoa tseo Molimo A re hlohonolofaltseng ka tsona ke li fe? Petrose o bontša ka ho hlaka hore motho e mong le e mong o na le neo tseo a li filoeng ke 'Mopi; 'me o bontša Bakreste ba fuoeng joalo e le “Baprista ba halalelang” (1 Petrose. 2:5) ba e na le boikarabello ho Molimo ka boqhooku ba lineo tsohle tsa Molimo: chelete, nako, matla, litalenta, le tse ling.

Bala Moeklesia 9:10 le 1 Bakorinthe 10:31. Molaetsa oa rona litemaneng tsee ke ofe mabapi le kamoo re lokelang ho sebetsa kateng le kamoo re lokelang ho ruta batho ho sebetsa kateng?

E 'ngoe ea lifi tsa bophelo tse tloaelehileng kajeno ke tloaelo ea ho arola likarolo tse fapaneng tsa bophelo ka mahlopho. Ho na le bophelo ba mosebetsing, ba lapeng, ba semoea, ekasiatana le ba ho intša. Tloaelo ea ho arola likarolo tsena hore ho be le phapahang kapa likena-kenane hanyenyane feela hona le moo e khallehang. Mohlala, ha hoa nepahala ho tla le mosebetsi hae hoo o qetellang o kena-kenana le boikarabelo ba lelapa. Ho batlana le boithhalollo le hona ha ho 'a lokela ho kena-kenana le nako ho ba le Molimo. Leha ho le joalo, moeli ona ha o oa tlameha ho sebelisoa karolong e lokelang ho bapaloa ke semoea maphelong a rona ohle. Mosebetsi oa Mokreste o holisoa ke setsoalle le le ho sebeletsa Molimo. Mosebetsi ke e 'ngoe ea ntho tseo re ka poratisang boteng ba Molimo ka tsona. Ho etsa bophelo ba rona semoea likaroloana, ho fa Molimo tsatsi le leng, hora, kapa karoloana e itseng ea ho phela, ke ho latola boteng ba Molimo likarolong tsena tse ling.

Liptso tse peli: ea pele, ipotse hore na e be u fela u arola bophelo ba hau ba semoea. Ea bobeli, haeba u etsa joalo, ke joang u ka ithuta ho etsa hore Bokreste bo buse sohle seo u se etsang?

Tsepamisa Maikutlo:

Genese 3, Moeklesia 2:18–23, Baefese 6:5–8; Bala Ellen G. White, “The Temptation and Fall,” maq. 52–62, ho *Patriarchs and Prophets*. Mosebetsi—ke thohako kapa tlhohonolofatso? E kare ke litholoana tsa thohako ea sebe (Gen. 3:17). Ha u bala hantle u fumana hore ke lefatše le rohakehileng, eseng mosebetsi. Ellen G. White o re Molimo o entse mosebetsi hore e be tlhohonolofatso: “Bophelo ba ho sebetsa le ho hlokomela e ile ea e ba karolo e fuoang motho ka lerato. E n’ e le mosebetsi o hlokehang bakeng sa sebe sa hae, ho lekola boitlopo ba lijo le meharo, ho aha litloaelo tsa boitšoaro. E n’ e le karolo ea leano le leholo la Molimo le leholo la ho thoba matetsetso a entsoeng ke sebe mothong.” —*Patriarchs and Prophets*, le p60. Na e ka nna eaba mohlomong re o entsa thohako ka ho lula re etsa ntho’e tšoanang, ho sebetsa ho feta tekano, kapa ho fetisisa boleng ba oona maphelang a rona? Ho sa natsoe maemo a rona, re tlameha ho ithuta ho beha mosebetsi moo o lokelang ho ba teng. ’Me thuto ea Bokreste e tlameha hoba thuso ho koetlisa batho ho ithuta boleng ba mosebetsi, ha ka tsela e tšoanang re o etse molingoana.

Lipotso tsa Lipuisano:

1. Bala Moeklesia 2:18–24. Salemone o khona joang ho nka mosebetsi e le tlhohonolofatso le thohako khaolong e le ’ngoe ea Biblele? Tse ling tsa ntho tse re thusang ho lemoha se ka etsang phapang mokhoengng oo re nkang mosebetsi ka oona?
2. Ke ka mosebetsi re hlokomelang (ōtlang) malapa a rona. Ke joang re fetisang kelello e ntle mlebana le mosebetsi malapeng a rona?
3. Ka nako e ’ngoe moeli pakeng tsa ho etsa mosebetsi o tsoileng matsoho le ho ba lekhoba la mosebetsi ha ho bonolo. Re etsa joang hore re tlole mola oo? Sheba Moeklesia 2:23.
4. Paulosi o bontšitse ka ho hlaka: “Hobane e ne re ha re sa le ha heno, ra le laela ra re: ekare ha e mong a hana ho sebetsa, a se ke a ja le hona” (2 Bathess.3:10). Ehlile molao ona o oa utloahala. E meng ea mehlala eo o ke ke keng oa sebetsa ke efe? Ke hore, hobaneng re sa lokela ho nka molao oo o ngotsoe letlapeng ho se mohla o ka rojoang?